

278003



卷〇〇四八五	忠字
卷〇〇四八六	忠字
卷〇〇四八九	終字
卷〇〇四九〇	終字等
卷〇〇五三六	容字
卷〇〇五三九	容字

永樂大典



二

7
121
005
T.2

永樂大典卷之五百三十九 一東

容

慕容寧

文苑英華庾信周柱國楚國公岐州刺史慕容公神道碑
昔在散書總賞周禮議勲諸侯計功大夫稱伐惟師尚

父昆吾載寶鼎之銘王命尸臣栢邑傳調戈之賜故知太上立德明試以
功存有顯爵之榮歿有大名之貴旻天不弔其惟楚國乎可以旌德景鍾

勒勲彝器式昭盛美載揚洪烈者焉公諱寧字永安昌黎徒河周書作何

人也都尉總六縣之卿名山稱五岳之佐燕太祖文皇帝慕容皝以當世

英雄奮有河朔趙之南境且建玉城冀之北土仍爲興國公即號之苗裔

家世燕睡高祖侍中使持節都督中外諸軍事太保錄尚書北地王慕容

超之世蕃屏王室詳之燕錄可得稱焉曾祖尚書府君因魏室之難改姓

豆盧仍爲官族祖仕魏文成皇帝考早亡朝廷以庸勲優屬恩深追遠保

定三年有詔贈柱國將軍少師涪陵郡開國公食邑二千戶公稟氣中和

降祥川岳岐嶷表羈貫之年通禮稱綺紱之歲威著奇節幼表大成兄弟

分策便知推讓。賓客解鈴曾無怪色。永安元年太宰元天穆魏室滿疑輔
握兵淮右抗權江南公時任別將便從征伐自是長城破石必先行陣秦
南隴西華當天石權既降秦勝莫不前驅策勳行賞常居第一永熙元年
補子都督并加鼓節軍儀除桑乾太守轉補都督其年以魏皇西幸奉迎
大駕賜封河陽縣開國伯增邑三百戶俄遷大中大夫改伯為侯增邑合
九百戶仍授使持節都督顯州諸軍事顯州刺史四年遷鎮東將軍金紫
光祿大夫其年秋河橋之役先登破陣還為車騎大將軍儀同三司五年
沙苑之功加封合前二千戶俄授數州刺史加散騎常侍外深推轂內侍
集書十五年授右衛將軍十六年授大將軍後魏元年重授數州刺史公
以先經刺舉固辭不就三年改封武陽郡開國公除尚書僕射職惟贊奏
任居封掌分左右之侍無典舉之選屬以江南阻兵諸宮邊敵軍機警急
鋒竊砥橫公奉命星言元戎啓路總秦人之銳士兼荆尸之廣卒水龍競
雙刃之勢步騎陳四分之威夷陵既燒黔中方定旋軍反旆解甲休兵其
後鳳州內判成都外絕公又總督衆軍寇乘即道兵不血刃並皆擒獲還
其酋豪納其降附皇朝受終文祖革命神宗選賢與能改絃創制爰降冊
書授公柱國增邑四千戶二年授同州刺史衿帶關輔脣齒秦晉編戶殷

積郎閣儲峙藩籬是任親賢勿居公建軍旗作牧塞唯行部六條斯舉百
城咸勸三年授公大司寇又以公勲庸特著冊封楚國公食邑一萬戶蓋
因破侯方仁等於荆陝即其地而封焉述糾王愆弛張刑政式遏寇虐於
是御之以寬猛兼速能適然後平之以和舜任皋陶不仁者遠晉舉隨會
群盜皆奔保定四年授岐州諸軍事岐州刺史沈炯彌留保定五年三月
四日薨于私第春秋六十有二詔贈其官謚某公禮也十月庚申葬于洪
濟之川馳綽毀宗客車專道玄甲被屬國之兵介士陳輕車之驛克善令
終生榮死感嗚呼哀哉經德秉哲體道居貞履貴思冲居盈一介滿念損
澄波千畝不能變其清濁高瞻百仞無以測其汗隆立身行己居安如墜
亡躬殉義視嶮若夷至於將略應變出奇設伏太一風角之占常從星辰
之候艘船戰陣之謀強弩馳射之書莫不動會機神發符雷電梯衝所向
地靡百樓之城長戟所臨野闕發三門之陣是以斬將奪旗四十三戰尊
官厚祿三十七年武彰七德之義歌誦九功之業述紀庸器之文行昭易
名之典昔臧文既歿穆叔稱其立言鄭僑云亡宣尼泣其遺愛德陽青石
之墓千年永平板江白虎之碑百代無毀敢因斯義乃作銘曰遵水之東
冀州之北既曰都尉無稱屬國歟氣餘冤雄邊遺則孝實天經忠爲令德

冠冕世祿。羽儀祚胤。俗汲燕丹。風漸英蘭。勛勞行役。辛苦行陣。勇過游騁。氣喻危震。王國克生。思皇多士。溫溫恭人。謙謙君子。擁旄仗節。出蕃入仕。持節五朝。建旗千里。時逢改祚。名載策勲。淮陰召拜。昭陽破軍。職司刑政。獄慎深文。沈羊不飲。崔盜無聞。巴庸薄伐。江漢專征。軍總四校。兵兼七營。運長擊短。後實先聲。增壘威敵。滅寇潛兵。鍾鳴夜漏。晞露朝陽。邑里蕭索。帷幄荒涼。豐碑下根。題漆遼喪。宮臨轆里。臺傾益甯。宅兆戒期。遠辰告筮。德遺身後。名昭沒世。館舍長捐。某局永閑。要嬰悼齊。柳莊悲衛。風秋北原。日沒川逝。葬田舊頃。客土新封。淚墮片石。劍掛孤松。清徽令範。千載遺蹤。

慕容儼

北齊列傳慕容儼字恃德。清都成安人。慕容廆之後也。父

儀同三司尚書左僕射持節都督滄恒二州軍事。恒州刺史儼容貌出群。衣冠甚偉。不好讀書。頗學兵法。工騎射。正光中。魏河間王元琛率眾殺壽春辟儼左廂軍主。以戰功。賞帛五十疋。軍次西硤石。因解渴陽之圍。平倉陵城。荆山戍。梁遣將鄭僧等要戰。儼擊之。斬其將蕭喬。梁人奔遁。又襲破王神念等軍。擒二百餘人。神念僅以身免。三年。梁遣將攻東豫州。大都督元寶掌討之。儼爲別將。鄭海珍與戰。斬其軍主朱僧珍。軍副泰太。又擊賊。

王奇於陽夏平之。李昌中爾朱榮入洛。授儼京畿南面都督。永安中西荊州爲梁將曹義宗所圍。儼應募赴之。時北有太守宋帶劔謀叛。儼乃輕騎出其不意。直至城下。語云。大軍已到。太守何不迎。帶劔造次惶恐。不知所爲。便出迎。儼即執之。一郡遂定。又破梁將馬元達蔡天起。柳白嘉等。累有功。除強弩將軍。與梁將王玄真。董當門等戰。並破之。解穰城圍。剋復南陽新鄉。轉積射將軍。持節豫州防城大都督。尔朱敗。與豫州刺史李恩歸高祖。以數累遷。安東將軍。高梁太守。轉五城太守。公史云。見東雍州刺史潘相樂長揖而已。本府以丁。執羅其軍。乃謂儼曰。府君少爲群下節。儼攘袂曰。吾狀貌如此。何望人輕。至可解人。神武聞。三人在是不和。微相樂還朝。以儼代爲刺史。遷東荊州刺史。行次長社。忽爲其部下人所執。將投山賊張儉。爲守人王崇祖私放。復見神武。仍授以軍司。共擊平儉。始得還州。沙苑之敗。西魏荊州刺史郭鸞率衆攻儼。拒守二百餘日。晝夜力戰。大破鸞軍。追斬三百餘級。又擒西魏刺史郭他。時諸州多有翻陷。惟儼獲全。進號鎮南將軍。武定三年。率師解襄州圍。頻使筵茹。又從攻玉壁。賜帛七百疋。并衣帽等。五年。鎮河橋五城。侯景叛。儼擊陳郡賊。獲景麾下庫狄曷賴及僞署太守鄭道合。兗州刺史王彥夏。行臺狄暢等。擒斬百餘級。旋軍項。

城。又擒景僞署刺史辛光并及蔡遵。并其部下二千人。六年除譙州刺史。屢有戰功。多所降附。七年。又除膠州刺史。天保初。除開府儀同三司。三年。梁司徒陸法和儀同宋循等。率其部下以郢州城內附。時清河王岳。帥師江上。乃集諸軍議曰。城在江外。人情尚梗。必須才略兼濟。忠勇過人。可受此寄耳。衆咸共推儀。岳以爲然。遂遣鎮郢城。始入。便爲梁大都督侯瑱。任約。率水陸軍奄至城下。儀隨方禦備。瑱等不能剋。又於上流驅鷁洲上。造荻筏。竟數里以塞船路。人信阻絕。城守孤懸。衆情危懼。儀導以忠義。又悅以安之。城中先有神祠一所。俗號城隍神。公私每有祈禱。於是順士卒之心。乃相率祈請。冀獲其祐。須臾。衝風浪歛。起。驚濤涌激。漂斷荻筏。約復以鐵鑊連治防禦。彌切儼還。共祈請。風浪夜驚。瑩復以斷絕。如此者再三。城人大喜。以爲神助。瑩移軍於城北。造柵置營。焚燒坊郭產業。皆盡。約將戰士萬餘人。各持攻具。於城南置營。壘南北合勢。儀乃率步騎出城奮擊。大破之。擒五百餘人。先是郢城卑下。蕪土踈頽。壞儼更修繕。城雖多作大樓。又造船艦。水陸備具。工無暫闕。蕭循又率衆五萬與瑩約合軍。夜來攻擊。儀與將士力戰。終夕至明。約等乃退。追斬瑩。既將張白石首。瑩以千金贖之。不與。夏五月。瑩約等又相與并力。悉衆攻圍。城中食少。糧運阻絕。無以爲

計唯煮槐楸桑葉并苧根水萍葛父等草及靴皮帶筋角等物而食之。人有死者即取其肉火熟分噉唯留骸骨儼猶申令將士信賞必罰分甘同苦。死生以之。自正月至於六月人無異志。後蕭方智立遣使請和。顯祖以城在江表據守非便有詔還之。儼望帝悲不自勝帝呼令至前執其手持儼鬚髯脫帽看髮歎息久之謂儼曰觀卿容貌朕不復相識。自古忠烈豈能過此。儼對曰臣侍陛下威靈得申愚節不屈堅子重奉聖顏今雖夕死沒而無恨帝嗟稱不已。除趙州刺史進伯爲公賜帛一千疋錢十萬。九年又討賊有功賜帛一百疋錢十萬。十年詔除揚州行臺與王貴顯侯子監將兵衛送蕭莊纂郭默若邪二城與陳新蔡太守魯悉達戰大蛇洞破走之。又監蕭莊王琳軍與陳將侯瑱侯安都戰於蕪湖敗歸。皇建初別封成陽郡公。天統二年除特進。四年十月又別封猗氏縣公并賜金銀酒鍾各一枚。胡馬一疋。五年四月進爵爲義安王。武平元年出爲光州刺史儼少任俠交通輕薄遨遊京洛間及從征討每立功効經略雖非所長而有將帥之節所歷諸州雖不能清白守道亦不貪殘卒贈司徒尚書令。子子顯給事黃門侍郎。北史云子子會任鄆州刺史周武帝平鄆使其子送數喻之子會執其子付獄尋赦書至云行臺武王已降子會乃與客偕北面撫

哭。然後奉命爾朱將帥義旗建。後歸順立功者。武威滕舍樂代郡范舍樂亦致通顯。滕舍樂少從爾朱榮爲軍主統軍。後西河鎮民都督爾朱兆敗率衆歸高祖。拜鎮西將軍。金紫光祿大夫。以都督隸侯景。破賀拔勝於穰城。又與諸將討平青兗制三州。拜鎮西將軍營州刺史。天保初封漢中郡公。後因戰沒於關中。范舍樂有武藝。筋力絕人。魏末從崔暹李崇等征討有功。授統軍。後入爾朱榮軍中。頗有戰功。授都督。後隨爾朱兆破步藩於梁郡。高祖義旗舉。棄兆歸信都。從高祖破兆於廣阿。韓陵並有功。賜爵平舒男。每從征伐。多有剋捷。除相府左廂大都督。尋出爲東雍州刺史。世宗嗣事。封平舒縣侯。拜儀同三司。天保中進位開府。又有代人庫狄伏連字仲山。少以武幹。事爾朱榮。至直閭將軍。後從高祖建義。賜爵虵丘男。世宗輔政。遣武衛將軍天保初儀同三司。四年除鄭州刺史。尋加開府。伏連質朴。勤於公事。直衛宮闕。曉夕不離。帝所以此見知。鄭公愚狠。無治民政術。及居州任。專事聚斂。性又嚴酷。不識士流。開府參軍多是衣冠士族。伏連加以捶撻。逼遣築牆。武平中封宜都郡王。除領軍大將軍。尋與瑯琊王儼殺和士開。伏誅。伏連家口有百數。盛夏之日。料以倉米貳升。不給鹽菜。常有飢色。冬至之日。親表稱賀。其妻爲設豆餅。伏連問此豆因何而得。妻對向於

食馬豆中。分減充用。伏連大怒。典馬掌食之人。並加杖罰。積羊賜物。藏在別庫。遣侍婢一人。專掌管籥。每庫檢閱。必語妻子云。此是官物。不得輒用。至是簿錄。並歸天府。皆

見齊書列傳。張瓊傳後。

慕容諾

冊府元龜唐高宗乾封元年五月封河源王慕容諾鉢爲青海王。

慕容彥超

五代歐史雜傳慕容彥超吐谷渾部人。漢高祖同產弟也。嘗冒姓閼氏。彥超黑色胡髯。號閼莫崙。少事唐。

明宗爲軍校。累遷刺史。唐晉之間。歷德單濞。杖四州。坐濞州造麴受賂。法當死。漢高祖自太原上章論救。得減死。流于房州。韓丹滅晉。漢高祖起太原。彥超自流所逃歸漢。拜鎮寧軍節度使。杜重威反于魏。高祖以天平軍節度使高行周爲都部署以討之。以彥超爲副。彥超與行周謀議多不協。行周用兵持重。兵至城下。久之不進。彥超欲速戰。而行周不許。行周有女嫁重威子。彥超揚言行周以女故。惜賊城而不攻。行周大怒。高祖聞二人不相得。懼有他變。由是遽親征。彥超數以事凌辱行周。行周不能忍。見宰相涕泣。以屎塞口。以自訴高祖。知曲在彥超。遣人慰勞行周。召彥超責之。

又遣詣行周謝過。行周意稍解。是時漢兵頓魏城下已久。重威守益堅。諸將皆知未可圖。方伺其隙。而彥超獨言可速攻。高祖以爲然。因自督士卒急攻。死傷者萬餘人。由是不敢復言攻。後重威出降。高祖以行周爲天雄軍節度使。行周辭不肯受。高祖遣蘇逢吉諭之曰。吾當爲爾從彥超。行周乃受。而彥超徙鎮秦寧。隱帝已殺史弘肇等。又遣人之魏殺周太祖。及王峻等。懼事不果。召諸將入衛京師。使者至。究彥超方食。釋匕箸而就道。周兵犯京師。開封尹侯益謂隱帝曰。北兵之來。其家屬皆在京師。宜閉門以挫其銳。遣其妻子登陴以招北兵。可使解甲。彥超謂益曰。益老矣。此懦夫之計也。隱帝乃遣彥超副益將兵于北郊。周兵至。益夜叛降于周。彥超力戰于七里。隱帝出勞軍。太后使人告彥超善衛帝。彥超大言報曰。北兵何能爲。當於陣上喝坐使歸營。又謂隱帝曰。官家宮中無事。明日可出觀。臣戰明日。隱帝復出勞軍。彥超戰敗。奔兗州。隱帝遇弒于北郊。周太祖入立。彥超不自安。數有所獻。太祖報以玉帶。又賜詔書安慰之。呼彥超爲弟。而不名。又遣翰林學士魚崇諒往慰諭之。彥超心益疑懼。已而劉昫自立于太原。出兵攻晉絳。太祖遣王峻用兵西方。彥超乘間亦謀反。遣押衙鄭麟至京師求入朝。太祖知其詐。手詔許之。彥超復稱管內多盜而止。又爲高

行周所與書以進其辭皆斥指周過失若欲共反者太祖驗其印文偽以書示行周彥超又遣人南結李昇昇出兵攻泮陽爲周兵所敗而劉旻攻晉絳不克解去太祖乃遣侍衛步軍指揮使曹英客省使向訓討之彥超聞城自守初彥超之反也判官崔周度諫曰魯詩書之國也自伯禽以來未有能霸者然以禮義待之而長世者多矣今公英武一代之豪傑也若量力相時而動可以保富貴而終身李河中安襄陽鎮陽杜令公近歲之龜鑑也彥超大怒未有以害之已而見圍因大括城中民貨以餽軍前陝州司馬閻弘魯懼其鞭朴乃悉家貲以獻彥超以爲未盡又欲并罪周度乃令周度監括弘魯家周度謂弘魯曰公命之死生繫才之多少願無隱也弘魯遣家僮與周度斷掘搜索無所得彥超又遣鄭麟持刀迫之弘魯惶然拜其妻妾妻妾皆言無所隱周度入白彥超彥超不信下弘魯及周度于獄弘魯乳母於泥中得金纏臂獻彥超欲贖出弘魯彥超怒遣軍校笞弘魯夫婦肉爛而死遂斬周度于市是歲鎮星犯角亢鄭分兗州當焉彥超即率軍府將更步出西門三十里致祭迎於開元寺塑像以事之日常一至使民家立黃幡以禳之彥超爲人多智詐而好聚斂在鎮寄置庫貨錢有奸民爲僞銀以質者主吏久之乃覺彥超陰教主吏夜穴庫塹盡

徒其金帛于他所。而以盜告。彥超即榜于市。使民自占所質以償之。民皆爭以所質物自言。已而得質偽銀者。寔之深室。使教十餘人。日夜罵之。皆鐵爲質。而包以銀。號鐵胎銀。其被圍也。勉其城守者曰。吾有銀數千挺。當悉以賜汝軍士。私相謂曰。此鐵胎爾。復何用哉。皆不爲之用。明年五月。太祖親征。城破。彥超夫妻皆投井死。其子繼勳率其徒五百人。出奔被擒。遂滅其族。纂謀周兵犯京師。隱帝遣彥超副侯益將兵于北郊。周兵至。益夜叛降于周。彥超力戰于七里。今按隱帝紀。則彥超先戰敗。而後益降。周紀傳不同。必有誤者。彥超力戰于七里。今按本傳。則明日方戰。是時未戰。安得云力戰乎。

慕容延釗

宋史列傳。慕容延釗。太原人。父章。棗州馬步軍都校。領開州刺史。延釗少以勇幹聞。漢祖之興也。周祖爲

其佐命。以延釗謀帳下。周廣順初。補西頭供奉官。歷尚食副使。鐵騎都虞候。世宗即位。爲殿前散指揮使。都校。領溪州刺史。高平之戰。督左先鋒。以功授虎捷左廂都指揮使。領本州團練使。遷殿前都虞候。領睦州防禦使。從征淮南。改龍捷左廂都校。沿江馬軍都部署。歸朝。復爲殿前都虞候。出

爲鎮淮軍都部署。顯德五年。世宗在迎鑾江口。聞兵人舟數百艘泊東流洲。即命延釗與左神武統軍宋延偃討之。延釗以驍騎由陸進。延偃督舟師沿江繼進。大破之。淮南平。遷殿前副都指揮使。鎮淮南節度。恭帝即位。改鎮寧軍節度。充殿前副都點檢。復爲北面行營馬步軍都虞候。太祖即位。延釗方握重兵也。真定。帝遣使諭旨許以便宜從事。延釗與韓令坤率所部兵接治邊境。以鎮靜聞。太祖嘉之。加殿前都點檢。同中書門下二品。避其父名故也。李筠叛。初命與王全斌由東路會兵進討。俄爲行營都部署。知潞州行府事。及平加兼侍中。詔遷澶州。建隆二年。長春節來朝。賜宅一區。表解軍職。徙爲山南東道節度。西南面兵馬都部署。是冬大寒。遣中使賜貂裘百子。纔帳四年。春。命師南征。以延釗爲湖南道行營前軍都部署。時延釗被病。詔令肩輿即戎事。賊將汪端與衆數千擾朗州。延釗擒之。磔于市。荆湘既平。加檢校太尉。是冬卒。年五十一。初。延釗與太祖友善。顯德末。太祖任殿前都點檢。延釗爲副。常兄事。延釗及即位。每遣使勞問。猶以兄呼之。洎寢疾。御封藥以賜。聞其卒。慟哭久之。贈中書令。追封河南郡王。錄其子弟授官者四人。子德業。德豐。德鈞。德業至衛州刺史。德鈞至尚食副使。延釗弟延忠。歷內殿直。供奉西頭官都知。至磁州刺史。延卿至虎

捷軍都指揮使延卿子德琛

宋史論通見錄分坤備下

慕容德豐

宋史列傳慕容德豐字日新幼聰悟延到愛之嘗曰與吾門必此子八歲授山南東道衙內指揮使延到

卒授如京使開寶中從征太原領御砦南面巡檢又為揚州都監征南唐為洞子都監城既下命為昇州都監市廛安靜澤國富饒使者多聚聚金帛德豐獨以廉潔聞俄領蔚州刺史太平興國二年知慶州兼邠寧都巡檢嘗破小遇族奪名馬數十足詔書褒諭居任九年以簡靜為治邉鎮安之雍熙四年使登萊閱強壯及還拜西上閤門使是冬出為定遠軍鈐轄命領後陣中隊別將萬騎以禦邊害淳化二年進秩東上知邢州三年改判四方館事出知延州時侯延廣知靈武或言其得西夏情徭強難制命德豐代之就賜白金三千兩會建使名改為四方館使未幾以所部不治徙知慶州俄又改靈州兼部署較價湧貴德豐出私廩振饑民全活者眾轉引進使賊入境德豐率兵擊走獲羊馬甚眾咸平二年遷客省使知鎮州召對便坐撫慰甚至是冬遼人南侵德豐繕兵固守餉饋不絕詔獎之三年改滄州德豐輕財好施厚享將士在西邊時母留京師妻孥寓長安

原殘缺

貧甚。真宗聞之。特詔給團練使奉。踰年進。穎州團練使。知貝瀛二州。五年卒。年五十五。家無餘財。

慕容

艘來寇。與

賊剽開州。

二副使。咸

北漢奪耕牛。

刺史復任峽。

天禧初。改右。

鍛承制。

史論見韓令坤傳下。

補供奉官。累遷內殿。

須臾十萬餘。舟千。

焚其舟。

之不壽與夫
授室嗣息

慕容尹

縣開國伯食邑九百戶

謚今據回中到擬狀謚曰文友

高昌崇寧紀元

七擬

之初上方躬親聽斷勵精庶政修通制揚功之治求賢如弗及輔弼大臣
蒐簡以副側席之求凡所薦引皆召見便朝天子親訪納焉時公在選中
比入對論議有餘喟然動丹朱並擢儒館上方欲褒顯異才以勸多士於
是闕歲未幾不累遷遂持案近班要途華貫翩翩殆周公感遇持異恩竭